

Penyelidikan dan Pembangunan

Tajuk Buku :

1. Buku Pekeliling-pekeling Ketua Pengarah Tanah dan Galian Persekutuan



Ringkasan Penerbitan

Pekeliling-pekeling Ketua Pengarah Tanah dan Galian Persekutuan ini diterbitkan di bawah peruntukan perenggan 8(1)(e) Kanun Tanah Negara berkaitan praktis dan prosedur pentadbiran dan pengurusan tanah. Usaha penjilidan yang terakhir dilakukan pada tahun 1995. Gerak kerja semakan semula Pekeliling KPTG telah bermula seawal tahun 2005. Dua fasa semakan telah dijalankan di mana fasa pertama telah melibatkan 86 pekeling dan fasa kedua melibatkan 122 pekeling. Semakan fasa pertama telah melibatkan penyertaan Pengarah-pengarah Tanah dan Galian Negeri serta Pentadbir-pentadbir Tanah dan dibengkelkan pada 5-7 September 2005.

Tajuk Buku :

2. Buku Laporan Bengkel Kajian Perundangan Kanun Tanah Negara 1965 Fasa 1



Ringkasan Penerbitan

Kajian semakan semula Kanun Tanah Negara 1965 (KTN) Fasa 1 melibatkan keperluan perubahan dalam aspek-aspek perundangan, pentadbiran dan prosedural pentadbiran tanah yang dipraktikkan di Semenanjung Malaysia bagi mempertingkatkan penambahbaikan sistem penyampaian perkhidmatan pentadbiran tanah. Hasrat akhir kajian ini adalah untuk membantu menyediakan rangka kerja undang-undang yang mencukupi bagi pelaksanaan sistem pentadbiran tanah elektronik, pembangunan kapasiti pentadbiran tanah serta peningkatan dan penambahbaikan sistem dan proses kerja penyampaian perkhidmatan pentadbiran tanah. Projek kajian ini dilaksanakan oleh Jabatan Ketua Pengarah Tanah dan Galian Persekutuan dengan kerjasama perunding tempatan iaitu IIUM Entrepreneurship and Consultation Sdn.Bhd. *(Hubungi talian : 03-8871 2676/2678/2677 untuk mendapatkan buku ini)*

Tajuk Buku :

3. Jurnal Pentadbiran Tanah Vol 1 Bil 1/2011



Ringkasan Penerbitan

Menyedari pentingnya pengurusan pengetahuan yang sistematik dalam pentadbiran tanah Malaysia, JKPTG telah mengambil langkah ke hadapan dengan memperkenalkan sebuah *Jurnal Pentadbiran Tanah* sebagai media interaktif bagi menghubungkan perkongsian dan penyebaran bersama maklumat tadbir-urus tanah di kalangan pengamal-pengamal dan penyelidik-penyelidik pentadbiran tanah. Edisi pertama Jurnal ini boleh diakses melalui Portal JKPTG dan ia boleh dimuat-turun untuk rujukan anda. Bagi memastikan kesinambungannya dalam edisi akan datang, adalah dengan ini dialu-alukan sumbangan hasil karya anda berkaitan isu-isu pentadbiran tanah untuk dimuatkan dalam Jurnal ini. Semua hasil karya yang telah disediakan dalam versi Bahasa Inggeris atau Bahasa Malaysia bolehlah dikemukakan secara email atau CD dalam bentuk MS Word kepada Sidang Editorial Jurnal Pentadbiran Tanah untuk proses penyuntingan. Untuk sebarang pertanyaan atau kemusykilan, sila hubungi Pegawai Perhubungan Seksyen Kajian Penyelidikan dan Pembangunan di alamat emel solehuddin@kptg.gov.my atau **03-88712677**"